

1994 nr. 72 11. maí**[Lög um merkingar og upplýsingaskyldu varðandi vörur sem tengjast orkunotkun]¹⁾**¹⁾ L. 7/2015, 10. gr.

Tóku gildi 30. maí 1994. *EES-samningurinn:* II. viðauki tilskipun 92/75/EEB. *Breytt með:* L. 61/2002 (tóku gildi 17. maí 2002; *EES-samningurinn:* II. viðauki tilskipun 92/75/EEB). L. 88/2008 (tóku gildi 1. jan. 2009 nema bráðkv. VII sem tók gildi 21. júní 2008). L. 126/2011 (tóku gildi 30. sept. 2011). L. 7/2015 (tóku gildi 7. febr. 2015; *EES-samningurinn:* II. viðauki tilskipun 2010/30/ESB). L. 137/2019 (tóku gildi 31. des. 2019). L. 130/2020 (tóku gildi 16. des. 2020; *EES-samningurinn:* II. og IV. viðauki reglugerð 2017/1369).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **umhverfis-, orku- og loftslagsráðherra** eða **umhverfis-, orku- og loftslagsráðuneyti** sem fer með lög þessi.

■ 1. gr. [Markmið.]¹⁾

□ [Tilgangur laga þessara er að stuðla að því að orka sé notuð með skynsamlegum og hagkvæmum hætti með því að tryggja að neytendur hafi greiðan aðgang að samræmdum upplýsingum um orkunotkun . . . ²⁾ [vara sem lög þessi]¹⁾ ná til, svo og áhrif á umhverfi auk annars er varðar rekstur þeirra. [Lög þessi skulu tryggja samræmi í merkingum og stöðluðum upplýsingum vara sem tengjast orkunotkun innan Evrópska efnahagssvæðisins og frjálst flæði á slíkum vörum á sameiginlegum innri markaði Evrópska efnahagssvæðisins.]³⁾

¹⁾ L. 7/2015, 1. gr. ²⁾ L. 130/2020, 1. gr. ³⁾ L. 61/2002, 1. gr.**■ 2. gr. [Gildissvið.]¹⁾**

□ [Lög þessi taka til merkinga og staðlaðra upplýsinga um vörur sem tengjast orkunotkun. Í reglugerð²⁾ skal kveðið á um hvaða kröfur slík vara skal uppfylla svo setja meggi hana á markað og taka í notkun hér á landi.]¹⁾

□ Lögin taka ekki til endursölu notaðra [vara]¹⁾ og búnaðar.

□ [Farþega- og vöruflutningar og notaðar vörur, [nema þær séu fluttar inn frá þriðja landi],³⁾ falla utan gildissviðs þessara laga. . . . ³⁾¹⁾

¹⁾ L. 7/2015, 2. gr. ²⁾ Rg. 78/1999. ³⁾ L. 130/2020, 2. gr.**■ [2. gr. a. Orðskýringar.**

□ Í lögum þessum er merking eftirtalinna hugtaka sem hér segir:

1. *Birgðasali:* Framleiðandi, fulltrúi hans eða sá er markaðssettur vöru.

[2. *Breyting á kvarða:* Setning strangari krafna til að uppfylla kröfur viðkomandi orkuflokks á merkimiða fyrir tiltekinn vöruflokk.

3. *Fjarsala:* Sala, leiga eða kaupleiga í gegnum póstpöntun, verðlista, netið, með símasölu eða öðrum hætti sem leiðir til þess að ekki er hægt að gera ráð fyrir að hugsanlegur endanlegur notandi hafi séð vöruna í útstillingu.

4. *Kerfi:* Samsetning nokkurra vara sem sameiginlega gegna tilteknu hlutverki við væntanlegar rekstraraðstæður og þar sem hægt er að ákvarða orkunýtni þeirra sem einn- ar heildar.

5. *Merkimiði:* Skýringarmynd, annaðhvort á prentuðu eða rafrænu formi, með föstum kvarða þar sem eingöngu er notast við bókstafi frá A til G. Hver bókstafur stendur fyrir flokk sem samsvarar mismiklum orkusparnaði, í sjö mismunandi litum frá dökkgrænum að rauðum, með þann tilgang að upplýsa viðskiptavini um orkunýtni og orkunotkun. Þar eru meðtaldir merkimiðar með breyttum kvarða.

6. *Merkimiði með breyttum kvarða:* Merkimiði fyrir tiltekinn vöruflokk sem hefur fengið breyttan kvarða og er aðgreinanlegur frá eldri merkimiðum. Hann er áfram í samræmi við aðra merkimiða.

7. *Orkunýtni:* Hlutfall á milli afkasta, þjónustu, vöru eða orkuframléiðslu og þeirrar orku sem til þarf.]¹⁾

[8.]¹⁾ [*Seljandi:* Smásali eða annar einstaklingur eða lögaðili sem býður vöru til sölu, leigu eða kaupleigu eða sýnir viðskiptavinum vöru eða þeim sem annast uppsetningu hennar, hvort sem það er gegn greiðslu eða ekki.]¹⁾

[9.]¹⁾ *Setja á markað:* Að bjóða fram vöru í fyrsta sinn á markaði á Evrópska efnahagssvæðinu til dreifingar eða til notkunar óháð því hvort varan er seld eða gefin til kynningar.

[10.]¹⁾ *Taka í notkun:* Að nota vöru með tilætluðum hætti í fyrsta sinn á Evrópska efnahagssvæðinu.

[11. *Tegundaraudkenni:* Kóði, sem samanstendur af bók- og tölustöfum, sem greinir tiltekna vörutegund frá öðrum tegundum með sama vörumerki eða nafn birgis.

12. *Tæknigögn:* Gögn sem gera markaðseftirlitsfyrirvöldum kleift að meta nákvæmni merkimiða og upplýsingablaðs fyrir vöru, þ.m.t. prófunarskýrslur eða áþekkt tæknileg gögn.]¹⁾

[13.]¹⁾ [*Upplýsingablað:* Staðlað skjal sem inniheldur upplýsingar um vöru, á prentuðu eða rafrænu formi.]¹⁾

[14.]¹⁾ [*Vara sem tengist orkunotkun:* Vara eða kerfi sem hefur áhrif á orkunotkun meðan á notkun stendur og sett er á markað eða tekin í notkun, þ.m.t. bæði hlutir sem settir eru á markað eða teknir eru í notkun fyrir viðskiptavini og hafa áhrif á orkunotkun meðan á notkun stendur, og hlutir sem ætlunin er að setja í vörur.]¹⁾

[15. *Vöruflokkur:* Flokkur vara sem hafa sömu aðalvirgni.

16. *Vörugagnagrunnur:* Safn gagna um vörur sem er sett saman á kerfisbundinn hátt og samanstendur annars vegar af opnum hluta, sem miðast við þarfir neytanda þar sem upplýsingar varðandi einstaka mælipætti vöru eru aðgengilegar rafrænt, og vefgátt sem opnar fyrir aðgang að grunninum, og hins vegar af lokuðum hluta er varðar reglufylgni þar sem kröfur um aðgengi og öryggi eru tilgreindar með skýrum hætti.

17. *Vörutegund:* Útgáfa af vöru þar sem allar vörueiningar deila sömu tæknilegu eiginleikum sem skipta máli hvað varðar merkimiða og upplýsingablað og hafa sömu tegundaraudkenni.]¹⁾²⁾

¹⁾ L. 130/2020, 3. gr. ²⁾ L. 7/2015, 3. gr.**■ 3. gr. [Almennar skyldur birgðasala.**

□ Birgðasali skal tryggja að með hverri einingu vöru sem sett er á markað fylgi ítarlegur prentaður merkimiði og upplýsingablað í samræmi við lög þessi, án endurgjalds. Í stað þess að afhenda upplýsingablað með vörinni er birgðasala heimilt að skrá breytur af upplýsingablaði inn í vörugagnagrunn. Birgðasali skal þó afhenda seljanda prentað upplýsingablað sé þess óskað.

□ Birgðasali skal þegar í stað og ekki síðar en innan fimm virkra daga frá beiðni seljanda senda prentaða merkimiða, þ.m.t. merkimiða með breyttum kvarða og upplýsingablöð, án endurgjalds.

□ Birgðasali skal tryggja að merkimiðar og upplýsingablöð sem hann leggur fram séu nákvæm. Hann skal leggja fram fullnægjandi tæknigögn til að mögulegt sé að meta nákvæmni upplýsinganna.

□ Þegar vörutegund er komin í notkun og það stendur til að uppfæra hana skal birgðasali óska eftir skýru samþykki frá viðskiptavini að því er varðar allar fyrirhugaðar breytingar í kjölfar uppfærslna sem kunna að vera gerðar á vörueiningu í eigu viðskiptavinar sem gætu haft óheppileg áhrif á mælipætti merkimiða sem tilgreinir orkunýtni vörueiningarinnar.

Birgðasali skal tilkynna viðskiptavini um markmið uppfærslunnar og breytingar á mælipáttum, þ.m.t. breytingar á orku-flokki merkimiða. Á tímabili sem er í réttu hlutfalli við líftíma vöru skal birgðasali gefa viðskiptavini kost á að hafna uppfærslunni. Hafni hann uppfærslunni skal virkni vörunnar ekki verða lakari ef hægt er að komast hjá því.

□ Birgðasala er óheimilt að setja á markað vörur sem eru þannig hannaðar að þær hafi sjálfvirkt breytta virkni sem bæti frammistöðu þeirra við prófanir sem meta mælipætti um orkunotkun og áhrif á umhverfi auk annars er varðar notkun þeirra.¹⁾

¹⁾ L. 130/2020, 4. gr.

■ **4. gr.** [Skýldur birgðasala í tengslum við vörugagnagrunn.

□ Áður en ný vörutegund er sett á markað skal birgðasali skrá upplýsingar um vörutegundina í opinn hluta vörugagnagrunns og þann hluta hans er varðar reglufylgni.

□ Birgðasali færir eftirfarandi skyldubundna og sértæka hluta tæknigagna inn í vörugagnagrunninn:

a. almenna lýsingu á vörutegund, þannig að hana megi sanngreina auðveldlega og án nokkurs vafa,

b. tilvísanir í þá samræmdu staðla sem beitt er eða aðra mælingarstaðla sem notaðir eru,

c. sérstakar varúðarráðstafanir sem gera skal þegar tegund er sett saman, sett upp, henni haldið við eða hún prófuð,

d. mælda tæknilega mælipætti tegundar,

e. útreikninga, sem gerðir eru út frá mældum mælipáttum,

f. prófunarskilyrði, ef þeim er ekki nægilega vel lýst í b-lið.

□ Auk þessa má birgðasali að eigin frumkvæði bæta viðbót-arhlutum tæknigagna í vörugagnagrunninn.

□ Fram að skráningu tæknigagna í vörugagnagrunn skal birgðasali veita aðgang að rafrænni útgáfu þeirra til skoðunar innan tíu daga frá því að beiðni berst frá Húsnaðis- og mannvirkjastofnun.

□ Ef breytingar eru gerðar á vöru sem hafa áhrif á merkimiða eða upplýsingablað skal varan teljast ný vörutegund. Birgðasali skal tilgreina í gagnagrunninum þegar hann hættir að setja einingar vörutegundar á markað.

□ Eftir að síðasta eining vörutegundar er sett á markað skal birgðasali varðveita upplýsingar um vörutegundina í þeim hluta vörugagnagrunnsins er varðar reglufylgni í a.m.k. 15 ár. Upplýsingum í opnum hluta gagnagrunnsins skal ekki eytt.¹⁾

¹⁾ L. 130/2020, 5. gr.

■ **5. gr.** [Skýldur seljanda.

□ Seljandi skal með sýnilegum hætti, þ.m.t. við fjarsölu á netinu, sýna þann merkimiða sem birgðasali lætur í té og veita viðskiptavini aðgang að upplýsingablaði, þ.m.t. á útrentuðu formi á sölustað, sé þess óskað.¹⁾

¹⁾ L. 130/2020, 6. gr.

■ **[5. gr. a. Aðrar skyldur birgðasala og seljanda.**

□ Birgðasali og seljandi skulu:

a. með sjónrænum auglýsingum og tæknilegu kynningar-efni vísa í orkunýtniflokk vöru og þau svið orkunýtniflokka sem eiga við tiltekna vörutegund,

b. koma í veg fyrir að sýndir séu villandi eða misvísandi merkimiðar, tákn eða áletranir um orkunotkun og önnur mikilvæg aðföng meðan á notkun vöru stendur,

c. ekki afhenda eða sýna merkimiða fyrir vörur sem tengjast orkunotkun, sem líkja eftir merkimiðum sem veittir eru samkvæmt lögum þessum,

d. ekki afhenda eða sýna merkimiða fyrir vörur, ótengdar orkunotkun, sem líkja eftir merkimiðum fyrir vörur sem tengjast orkunotkun.¹⁾

¹⁾ L. 130/2020, 7. gr.

■ **6. gr.** [Framkvæmd og eftirlit.

□ Ráðherra fer með framkvæmd laga þessara. Eftirlit og dagleg stjórnýsla á því sviði sem lög þessi ná til er þó á hendi [Húsnaðis- og mannvirkjastofnunar].¹⁾ [Húsnaðis- og mannvirkjastofnun]¹⁾ tekur við tilkynningum um vörur sem ekki eru í samræmi við kröfur laga þessara og reglna settra samkvæmt þeim og annast samskipti vegna þeirra við önnur eftirlitsstjórnvöld á Evrópska efnahagssvæðinu.²⁾

¹⁾ L. 137/2019, 19. gr. ²⁾ L. 7/2015, 7. gr.

■ **7. gr.** [Eftirlit].¹⁾

□ Ef ástæða er til að ætla að upplýsingar, sem veittar hafa verið, séu rangar er [Húsnaðis- og mannvirkjastofnun],²⁾ sbr. 6. gr., heimilt að krefja birgðasala eða seljendur um gögn sem nauðsynleg eru við eftirlit. Jafnframt er [stofnuninni]¹⁾ heimilt að krefjast þess að eintak vöru og umbúða verði lagt fram til skoðunar.

¹⁾ L. 7/2015, 8. gr. ²⁾ L. 137/2019, 19. gr.

■ **[8. gr. Markaðseftirlit [Húsnaðis- og mannvirkjastofnunar].**¹⁾

□ [Húsnaðis- og mannvirkjastofnun]¹⁾ tekur við ábendingum og fer með markaðseftirlit í samræmi við ákvæði laga þessara og reglna settra samkvæmt þeim.

□ [Húsnaðis- og mannvirkjastofnun]¹⁾ getur falið faggilttri skoðunarstofu að annast markaðseftirlit eða faggilttri prófunarstofu að prófa og meta hvort vara sem fellur undir lög þessi uppfylli kröfur laga þessara og reglugerða settra samkvæmt þeim. Um faggildinguna gilda ákvæði laga um faggildinguna o.fl., nr. 24/2006. Beiting réttarráðs skv. 10. gr. skal vera á hendi [Húsnaðis- og mannvirkjastofnunar].¹⁾

□ Birgðasali eða viðurkenndur fulltrúi hans hér á landi skal halda skrá með upplýsingum um birgja og þá sem bjóða fram vörur hans.²⁾

¹⁾ L. 137/2019, 19. gr. ²⁾ L. 7/2015, 9. gr.

■ **[9. gr. Heimild til skoðunar og upplýsingaskylda.**

□ [Húsnaðis- og mannvirkjastofnun],¹⁾ eða eftir atvikum faggilttri skoðunarstofu, er heimilt að skoða vöru hjá seljanda, birgðasala eða viðurkenndum fulltrúa hans, taka sýnishorn af vöru til rannsókna og krefja þá um allar nauðsynlegar upplýsingar og gögn, svo sem aðgang að skrá yfir þá sem hafa vöruna á boðstólum, skýrslur um prófanir eða útreikninga og tæknileg gögn.

□ Birgðasali eða viðurkenndur fulltrúi hans ber kostnað vegna þeirra sýnishorna vöru sem tekin eru til rannsókna. Að lokinni rannsókn skal sýnishornum skilað eða þau eyðilögð með öruggum hætti eftir atvikum. Sýnishorn vöru samkvæmt þessari grein er að jafnaði eitt eintak vöru eða lágmarksfjöldi sem er nauðsynlegur til að framkvæma rannsókn.

□ Birgðasali eða viðurkenndur fulltrúi hans ber allan kostnað af athugun á því hvort vara sé í samræmi við settar reglur, svo sem kostnað sem hlýst af skoðun, rannsókn og prófun, flutningskostnað, svo og annan kostnað sem er í beinum og efnislegum tengslum við eftirlitið. Birgðasali eða viðurkenndur fulltrúi hans greiðir auk þess allan kostnað af tilkynningum sem beint er til almennings, svo sem kostnað við tilkynningar í fjölmiðlum.

□ [Húsnaðis- og mannvirkjastofnun]¹⁾ skal gera nauðsynlegar ráðstafanir til að tryggja að upplýsingarnar, sem veittar

eru við málsmeðferðina, teljist trúnaðargögn þegar slíkt telst réttmætt.

□ [Húsnæðis- og mannvirkjastofnun]¹⁾ skal tilkynna ákvarðanir um bann og afturköllun á vörum til Eftirlitsstofnunar EFTA.]²⁾

¹⁾ L. 137/2019, 19. gr. ²⁾ L. 7/2015, 9. gr.

■ **[10. gr. Réttarúrræði [Húsnæðis- og mannvirkjastofnunar].]**¹⁾

□ [Húsnæðis- og mannvirkjastofnun]¹⁾ getur fyrirskipað innköllun, tekið af markaði eða bannað sölu eða afhendingu vöru sem tengist orkunotkun ef hún uppfyllir ekki skilyrði laga þessara og reglugerða settra samkvæmt þeim, þ.m.t. um merkingar, leiðbeiningar og gögn sem ber að útbúa og hafa tiltæk.

□ [Húsnæðis- og mannvirkjastofnun]¹⁾ er heimilt að beita dagsektum, allt að 200.000 kr. á dag, til að knýja á um þær skyldur sem lög þessi kveða á um eða að látið sé af ólögðum atferli. Dagsektir skulu renna í ríkissjóð. Ákvörðun um dagsektir skal tilkynnt skriflega á sannanlegan hátt þeim sem hún beinist að. Dagsektir má innheimta með fjárnámi.

□ Ákvörðun um dagsektir má skjóta til úrskurðarnefndar umhverfis- og auðlindamála innan fjórtán daga frá því að hún er kynnt þeim er hún beinist að. Dagsektir reiknast ekki fyrir en frestur er liðinn.

□ Ef ákvörðun er skotið til úrskurðarnefndar umhverfis- og auðlindamála falla dagsektir ekki á fyrir en niðurstaða hennar liggur fyrir. Ákvörðun [Húsnæðis- og mannvirkjastofnunar]¹⁾ verður ekki borin undir dómstóla fyrir en úrskurður úrskurðarnefndar umhverfis- og auðlindamála liggur fyrir.]²⁾

¹⁾ L. 137/2019, 19. gr. ²⁾ L. 7/2015, 9. gr.

■ **[11. gr. Viðurlög.**

□ [Húsnæðis- og mannvirkjastofnun]¹⁾ getur lagt stjórnvaldssektir á fyrirtæki sem brjóta gegn ákvæðum laga þessara og reglna settra samkvæmt þeim og ákvörðunum eftirlitsaðila. Slíkar sektir geta numið allt að 5 millj. kr. og skulu þær renna í ríkissjóð.]²⁾

¹⁾ L. 137/2019, 19. gr. ²⁾ L. 7/2015, 9. gr.

■ **[12. gr. Kæra ákvarðana [Húsnæðis- og mannvirkjastofnunar].]**¹⁾

□ Ákvörðunum sem [Húsnæðis- og mannvirkjastofnun]¹⁾ tekur á grundvelli laga þessara má skjóta til úrskurðarnefndar

umhverfis- og auðlindamála sem starfar á grundvelli laga um úrskurðarnefnd umhverfis- og auðlindamála.

□ Ákvörðun [Húsnæðis- og mannvirkjastofnunar]¹⁾ verður ekki borin undir dómstóla fyrir en úrskurður úrskurðarnefndar umhverfis- og auðlindamála liggur fyrir. Nú vill aðili ekki una úrskurði úrskurðarnefndar og getur hann þá höfðað mál til ógildingar fyrir dómstólum. Mál skal höfðað innan sex mánaða frá því að aðili fékk vitneskju um úrskurð úrskurðarnefndar. Málshöfðun frestar ekki gildistöku úrskurðar nefndarinnar né heimild til aðfarar.]²⁾

¹⁾ L. 137/2019, 19. gr. ²⁾ L. 7/2015, 9. gr.

■ **[13. gr. Reglugerðarheimild.**

□ Ráðherra skal setja í reglugerð¹⁾ nánari ákvæði um framkvæmd laga þessara.

□ Heimilt er að kveða á um nánari reglur um kæru ákvarðana [Húsnæðis- og mannvirkjastofnunar]²⁾ í reglugerð.]³⁾

¹⁾ Rg. 78/1999. Rg. 260/2003, sbr. 913/2004. Rg. 819/2010. Rg. 386/2013, sbr. 606/2016 og 200/2018. Rg. 388/2013, sbr. 605/2016 og 201/2018. Rg. 456/2013. Rg. 1279/2014. Rg. 152/2016, sbr. 613/2016 og 190/2018. Rg. 154/2016, sbr. 612/2016 og 191/2018. Rg. 155/2016, sbr. 192/2018. Rg. 344/2016, sbr. 611/2016 og 193/2018. Rg. 346/2016, sbr. 194/2018. Rg. 347/2016, sbr. 195/2018. Rg. 616/2016, sbr. 202/2018. Rg. 617/2016, sbr. 203/2018. Rg. 641/2021, sbr. 541/2022. Rg. 642/2021, sbr. 542/2022. Rg. 643/2021, sbr. 543/2022. Rg. 644/2021, sbr. 544/2022. Rg. 645/2021, sbr. 545/2022. Rg. 646/2021, sbr. 546/2022. Rg. 1221/2022. ²⁾ L. 137/2019, 19. gr. ³⁾ L. 7/2015, 9. gr.

■ **[14. gr. [Lögfesting.**

□ Ákvæði reglugerðar Evrópuþingsins og ráðsins (ESB) 2017/1369 frá 4. júlí 2017 um setningu ramma fyrir orku-merkingar og um niðurfellingu tilskipunar 2010/30/ESB, sem er birt í EES-viðbæti við Stjórnartíðindi Evrópusambandsins nr. 101 frá 19. desember 2019, bls. 62–82, skulu hafa lagagildi hér á landi með þeim aðlögunum sem leiðir af ákvörðun sameiginlegrar EES-nefndarinnar nr. 72/2019, frá 29. mars 2019, um breytingu á II. viðauka (Tæknilegar reglugerðir, staðlar, prófanir og vottun) og IV. viðauka (Orka) við EES-samninginn, sem er birt í EES-viðbæti við Stjórnartíðindi Evrópusambandsins nr. 44 frá 2. júlí 2020, bls. 46–47, sbr. einnig bókun 1 um altæka aðlögun við samninginn um Evrópska efnahagssvæðið, sbr. lög nr. 2/1993, þar sem bókunin er lögfest.]¹⁾²⁾

¹⁾ L. 130/2020, 8. gr. ²⁾ L. 7/2015, 9. gr.

■ **[15. gr.]**¹⁾

□ Lög þessi öðlast þegar gildi.

¹⁾ L. 7/2015, 9. gr.